



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**Broj: T20 0 KT 0024570 23**  
**Sarajevo, 10.07.2025. godine**

Na temelju člana 216. stav 3. Zakona o krivičnom postupku Bosne i Hercegovine, d o n o s i m:

**. N A R E D B U**  
**o nesprovođenju istrage**

**Neće se provoditi istraga protiv:**

**N. J., ...rođen ...1998. godine u L., R. S., ...**

Zbog krivičnog djela Izazivanja nacionalne, rasne i vjerske mržnje, razdora i netrpeljivosti iz člana 145a. Krivičnog zakona Bosne i Hercegovine, **jer ne postoje osnovi sumnje da je prijavljeno lice počinilo krivično djelo.**

**O b r a z l o ž e n j e**

Dana 25.09.2023. godine Tužilaštvo Bosne i Hercegovine je putem službene e-mail adrese ovog tužilaštva, zaprimilo e-mail sa adrese ..., a vezano za sadržaj i objavu komentara na internet portalu..., koji komentar je objavljen pod imenom: ..., a na tekst objavljen pod nazivom ..., objavljen na stranici ....

S tim u vezi, Tužilaštvo Bosne i Hercegovine je od „(...)“, kao i od FMUP- Federalna uprava policije Sarajevo zatražilo dostavljanje podataka o IP adresi osobe koja je postavila navedeni komentar, a koji je objavljen na stranici....

Dana 30.11.2023. godine FMUP- Federalna uprava policije Sarajevo, ovom tužilaštvu je dostavila Izveštaj o počinjenom krivičnom djelu i počiniocu broj: .... od 30.11.2023. godine, protiv N. J. korisnik internet priključka dodjeljenog od strane firme „(...)“.

Iz navedenog Izveštaja proizilazi da je N. J. koristeći se svojim internet priključkom instaliranim od strane firme „(...)“ i dodjeljenom IP adresom ... dana ... 2023. godine na web portalu ..., nakon objavljenog članka ... napisao javni komentar: „Ameri će zažmuriti na jedno oko ako Srbija uvede sankcije Rusiji, evo prilike da uletimo na Kosmet. Sad ili nikad braćo, ja uzimam godišnji i idem da

koljem Alahove robove na Kosmetu. Proći će gore nego Alahovi robovi u Podrinju inšalah...“, kojim komentarom je pozvao na ubijanje osoba islamske vjeroispovjesti nazivajući ih „Alahovim robovima“, čime je javno izazivao i raspirivao vjersku i nacionalnu mržnju, kao i javno podstrekavao na nasilje ili mržnju usmjerenu protiv grupe osoba islamske vjeroispovjesti.

Nadalje, policijski službenici su izvršili provjere, kojom prilikom je na web portalu ... identifikovan predmetni članak ..., objavljen ... , kao i komentar ..., postavljen od strane korisnika ..., koji je već bio uklonjen sa rubrike za komentare od strane administrator portal.

Izvršene su provjere kod firme „(...)“, u čijem je vlasništvu web portal ... kom prilikom su pribavljene informacije o IP adresi koja je korištena prilikom postavljanja predmetnog komentara od strane korisnika ..., kao i e-mail korisničkom računu na osnovu kojeg je kreiran račun na web portal ...

Izvršenim provjerama za pribavljenu e-mail adresu ... nisu pribavljena korisna saznanja o korisniku. Provjerama za IP adresu ... u javno dostupnim online bazama na internetu, pribavljene su informacije da ista pripada ... , odnosno firmi „(...)“.

Nakon izvršenih provjera kod kompanije „(...)“ su pribavljene informacije da je IP adresu ... u vremenu od 18.09. do 09.10.2023. godine koristio N. J. ...

Izvršenim provjerama za pribavljenu e-mail adresu ... nisu pribavljena korisna saznanja o korisniku. Provjerama za IP adresu ... u javno dostupnim online bazama na internetu, pribavljene su informacije da ista pripada ... odnosno firma „(...)“. Policijski službenici su izvršili provjere kod kompanija „(...)“ kojima su pribavili informaciju da je IP adresu ... u vremenu od 18.09. do 09.10.2023. godine koristio N. J., ..., te su izvršenim provjerama u ... i identifikovali lice sa gore navedenim generalijskim podacima.

Obzirom da je u Tužilaštvu Bosne i Hercegovine, zaprimljena i krivična prijava od 25.09.2023. godine, podnesena od strane „(...)“, putem e-mail adrese ... , kojom isti prijavljuje NN lice, korisnika foruma ... portala pod nazivom ..., koji se sa sadržajem jednog od svojih komentara na navedenom forumu (link komentara: <https://...>), koji se prema navodima prijavitelja dovodi u vezu sa izvršenjem krivičnog djela 145a. Krivičnog zakona Bosne i Hercegovine, formiran je predmet spisa broj ..., u okviru kojeg je ovo tužilaštvo dana 22.11.2023. godine, Državnoj agenciji za istrage i zaštitu dostavilo zahtjev, u prilogu kojeg je dostavljena naprijed navedena krivična prijava u vidu ispisa e-maila, kojim je naloženo da se izvrši radnja uviđaja predmetnog komentara na forumu portala ... S tim u vezi, policijski službenici Državne agencije za istrage i zaštitu, su postupili po zahtjevu ovog tužilaštva i sačinili Zapisnik o uviđaju, broj: ... od 27.11.2023. godine, u kojem je navedeno da je preko web preglednika pristupljeno linku ..., te je tom prilikom pronađen predmetni komentar navedenog korisnika foruma portala ... pod nazivom: ..., a koji je postavljen na novinski članak internet portala ... pod nazivom: ... Predmetni komentar je sljedećeg sadržaja: ... Kako je uviđaj fotografisan od strane kriminalističkog tehničara, sačinjena je i Foto-dokumentacija, broj: ... od 28.12.2023. godine, koja čini sastavni dio Zapisnika.

Nadalje, dana 03.04.2024. godine, ovo tužilaštvo je izdalo naredbu Državnoj agenciji za istrage i zaštitu, a sve u cilju identifikacije NN korisnika formula portala ... pod nazivom ... Postupajući po naredbi ovog tužilaštva, Državna agencija za istrage i zaštitu, svojim aktom br. ... od 18.04.2024. godine, obavijestili su ovo tužilaštvo kako ne raspolažu novim saznanjima o korisniku foruma, bez navođenja da li su i koje konkretno radnje poduzete u cilju identifikacije korisnika foruma, slijedom čega im je od strane ovog tužilaštva izdat novi zahtjev od 31.05.2024. godine.

Postupajući po naredbi Tužilaštva Bosne i Hercegovine od 31.05.2024. godine, Državna agencija za istrage i zaštitu, dostavila je obavijest da su u cilju identifikacije profila ..., uputili zahtjev na adresu ... od strane kojih je, dana 30.05.2024. godine, sa e-mail adrese ... dostavljen odgovor sa sljedećim podacima: „(...)“ U cilju identifikacije korisnika profila ..., putem dostavljene IP adrese ... pretragom internet aplikacije ..., pronađena je predmetna IP adresa koja je vlasništvo pravnog lica „(...)“, o čemu je sačinjena Službena zabilješka broj: ... od 13.06.2024. godine. Nadalje, Tužilaštvo Bosne i Hercegovine je Sudu Bosne i Hercegovine, podnijelo prijedlog za izdavanje naredbe operateru telekomunikacija, sve u cilju identifikacije samog korisnika naloga ..., te prikupljanja podataka koji mogu biti dokaz u krivičnom postupku ili poslužiti za prikupljanje informacija. Sud Bosne i Hercegovine je odlučujući o prijedlogu Tužilaštva Bosne i Hercegovine, broj: ... od 25.06.2024. godine, koji je uređen podneskom 01.07.2024. godine, za izdavanje naredbe operateru telekomunikacija, donio naredbu broj: ... od 02.07.2024. godine, kojom se naređuje pravnom licu „(...)“, kao pružaocu telekomunikacijskih usluga da dostavi podatke o korisnicima IP adresa: IP adresa ..., vrijeme 24.09.2023. godine za cijeli dan, te je izvršenje ove naredbe povjereno Državnoj agenciji za istrage i zaštitu. Od strane Suda Bosne i Hercegovine, dostavljen je dopis Zone telekomunikacije broj: ... od 15.07.2024. godine, kojim su postupajući po naredbi Suda Bosne i Hercegovine, broj: ..., dostavili informacije da su IP adrese ... u vlasništvu „(...)“, te ih je koristio njihov korisnik N. J. iz B.

Kako se provođenjem istražnih radnji u predmetu ovog tužilaštva broj: ... došlo do podataka da se radi o licu J. N. iz B., kao korisniku IP adrese sa koje su upućeni sporni komentari, a da je u odnosu na isto lice, i za iste radnje, u ovom tužilaštvu formiran spis predmeta broj:..., predmeti su spojeni, te su prilikom donošenja odluke razmatrani dokazi pribavljeni u oba predmeta i donijeta je jedinstvena odluka u odnosu na prijavljenog J. N. za krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH.

Naime, da bi bilo počinjeno krivično djelo propisano Krivičnim zakonom Bosne i Hercegovine moraju biti počinjene radnje iz kojih moraju proizlaziti obilježja bića krivičnog djela propisana Krivičnim zakonom Bosne i Hercegovine.

Krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH, spada u grupu krivičnih djela protiv slobode i prava čovjeka i građanina „kojima se štite klasična politička i demokratska prava čovjeka i građanina“. Iz same zakonske dispozicije osnovnog oblika ovog krivičnog djela, njegovim propisivanjem se štite ustavni poredak, država i njeno unutrašnje funkcionisanje, zajednički život i tolerancija između konstitutivnih naroda i ostalih te drugih koji žive i borave u BiH. Radnja učinjenja, a i drugi elementi zakonskog opisa ovog krivičnog djela su postavljeni alternativno, tj. u više oblika, dok su kao predmet izazivanja ili raspirivanja u zakonskim opisima ovih krivičnih djela određeni nacionalna, rasna i vjerska mržnja, razdor i/ili netrpeljivost.

Naime, cijeneći sadržaj komentara na forumu internet portala ..., postavljenih od strane N. J., nesporno je utvrđeno da ih je prijavljeni napisao, te da se može zaključiti da ispisi komentara na predmetni tekst prijavljeni izražava svoje lično mišljenje o određenim društvenim zbivanjima i događajima iz prošlosti, ali da se iz njegovog cjelokupnog sadržaja ostavljenih komentara ne može sa sigurnošću zaključiti da je isti postupao s umišljajem i da je svojim riječima imao namjeru izazvati ili raspiriti nacionalnu, rasnu ili vjersku mržnju, razdor ili netrpeljivost među konstitutivnim narodima. Kod ovakve vrste krivičnih djela, nužno je voditi računa da ovo krivično djelo otvara pitanje njegovog odnosa sa slobodom izražavanja iz člana 10. EKLJP kao jednim od osnovnih ljudskih prava koje se ujedno smatra i temeljem demokratije.

Obzirom da ne postoje osnovi sumnje da je prijavljeno lice počinilo krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a KZ BiH, odlučeno je da se istraga neće sprovoditi.

U smislu člana 216. stav 4. ZKP-a BiH, o ovoj odluci biće obaviješten podnosilac Izvještaja.

**TUŽILAC  
TUŽILAŠTVA BiH**